



Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De monacho, qui carnem foetidam caepit comedere, cùm Abbatì suo
obedire noluit ad esum carnitum, cap. 9.

urn:nbn:de:hbz:466:1-13177

Quibus ille respondit: Tres obulos habeo, emite ex eis cuneos, & comedite, quia nihil amplius habebitis; fidemque habens in Deo, & in sancto Iacobo, subjecit: Quinque marcas domi habeo in cista mea, & clementia noua, quibus limina petam S. Iacobi, non vobis dabo illam pecuniam: in die sancti Stephani prefecturus sum, & ante ortum diei a vobis recessurus. Mirantibus eis verborum constantiam, duos illi compedes imposuerunt, & in fornacem illum mittentes, octo viros nocte illa ad custodiam ei deputauerunt, quem semel, ac secundum interrogantes, utrum adhuc ibi esset, & ille tot vicibus respondisset, etiam adhuc sum: his tertio eadem sciscitantibus, nihil respondit, quia virtus fidei iam illum clausa fornace cauxerat. De spe in superioribus multa dicta sunt, virtutem vero charitatis, sequentia declarabunt.

CAPVT VIII.

*De Chas.
ritate.*

Abbas quidam ordinis nostri, monacho suo infirmo præcepit carnes manducare: ille inobediens, licet inuitus, Abbatii respondit, dicens: Ego vos rogo in charitate eadem, ut mecum illas comedatis. Qui statim deprecanti consentiens resedit, morsellum de scutella monachi tulit, & comedit. Sequenti die, si bene memini, in ecclesiam, ubi homo a dæmonio vexabatur deuenit, rogatus a circumstantibus, ut dæmonem adiuraret, in haec verba prorupit: Adjuro te immunde spiritus in hac charitate, quæ pridie propter monachum meum carnes comedisti, ut ex eas ab hoc homine: qui mox ad idem verbum exiuit, & fugit, ac si charitatis incendium sufferre non posset. Quantum Deo charitas placeat, ex inobedientia plenius ostenditur.

CAPVT IX.

*De inobe
dientia.*

Alius quidam Abbas, cum haberet monachum infirmum, ut ad recuperationem virium, carnes comederet præcepit: sed ille pertinax nimis, præcipienti non acquieuit. Ut autem Deus ostenderet meliorem esse obedientiam, quam stultorum victimas, inobediens monachus mox in rabiem versus,

sus, in agrum cucurrit, ubi canem mortuum inueniēs,
carnes eius fœtentes audīssimē comedere cœpit: &
quia in carnibus peccauit, in carnibus punitus est.
Quid de eo postea actum sit, ignoro. Hæc duo mira-
cula mihi narravit magister Ioannes Decanus Aquē-
fis, asserens sibi illa veraciter recitata. Audiant hæc
monachi, & obedient, neque inconditam abstinentiā
charitati præponant. Aliud adhuc referam exēplum,
per quod cognosces quām bona sit virtus charitatis,
quām periculosem vitium inobedientiæ.

CAPVT X.

Nobilem quandam feminam in Saxonia diabo-
lus obsidens, durissimē vexauit: quam dum pro-
remedio sanitatis ad diuersa sanctorum limi-
na ministeriales eius duxissent; die quadam sacerdos
quidam superueniens, forma quidem despectus, sed
gratia Dei præditus, vexationi illius compassus est: ex
multa enim charitate Dominum exorās, dæmonium
ejecit, feminam sanitati restituens: cui dedit in man-
datis, ut per 30. dies in eodem loco manens, quotidie
communicaret, & singulas horas canonicas prædi-
ctorum dierum peraudiret. Quod cū fecisset nouem
diebus, nihil mali sui deinceps suspicantes, abduxerūt
eam. In via turbine maximo impulsa atque dejecta,
sic totaliter confracta est a diabolo, ut omnia eius
membra, humanis visceribus similia apparerent. A-
POLLONIVS: Quæ fuit causa pœnæ tam crudelis? CÆ-
SARIVS: Inobedientia. Simile habes in dialogo san-
ti Gregorij, de quodam clero obsesto, & à sancto
Benedicto liberato: cui cùm præcepisset, ne vñquā ad
sacros ordines accederet, & ille post multos annos
transgressor existeret, mox eum diabolus inuasit, tam
diu vexans, donec spiritum exhalaret.

*Greg. l. 2
dial. c. 16*

CAPVT XI.

Abbas de Nuinburg, quæ est Abbatia ditissi. *De Chro-*
ma nigri ordinis in Saxonia, nuper per nos ritate &
transiens, retulit nobis miraculum de curatio- cōpassio-
ne cuiusdam obsestæ iocundissimum. Est, inquit, apud ne frater
nos miles quidā religiosus, Albertus nomine, cogno- na.
mento